



WAGNERGROUP
ALLES AUS ENGER HAND.

moleen! NOTIICHTEN OP LËTZEBUERGESCH

NEIEGKEETEN INTERNATIONAL BUSINESS MEENUNG STORIES KULTUR SPORT AUTO



De Syvicol brauch eng besser Kommunikationsstrategie

Fir de „Berufsverband“ vun de Stied a Gemengen imposéieren sech eng Rei Verännerungen



vun Patrick Kleeblatt den 06/10/2020

Op Facebook deelen

Op Twitter deelen

Newsletter abonnéieren



Um Méideg huet d'Exekutiv vum Syvicol déi grouss Erkenntnisser aus hirem Sondage, dee vum 19. Juni bis den 12. Juli vun der Maartfuersuchungsentreprise QUEST ausgefouert gouf, an der Stad virgestallt. Eng duerchaus opschlossräich an interessant Virstellung.

Vun den 1.120 Buergermeeschter, Schäfte a Gemengeconseillèren hunn der 412 op de Froekatalog geäntwert. Dat entsprécht 35,5%, an dierf als Representativ unerkannt ginn, zumindest wann een dat mat villen aneren öffentleche Sondage vergläicht, wou schonn 10% als eng „gutt Participatioun“ ugesi ginn. Natierlech sollt een dierfen unhuelen, datt eis politesch Verrieder do ee gréisseren Interessi hätte weisen dierfen.



Fir de Carlo Kissen vun der Maartfuerschungsentreprise QUEST ass de Sondage, och bei enger Bedeelegung vu grad emol engem Drëttel vun Ziilpersounen, ausräichend fir eng vollstänneg an ëmfänglech Analys. Hien huet drop higewisen, dass esou eng gross Participatioun dann och éischer d'Ausnam wéi d'Reegel ass. © Martine de Lagardère / moi.lu

An dësem Kontext muss et och erlaabt sinn drop hinzewiesen, dass de Syvicol elo näischt huet, wat een als „Annuaire“ vun alle gewielte Lokalpolitiker bezeechne kéint. Et war deemno net méiglech sech perséinlech un all eenzelen ze wënnen, firwat iwwert d'Gemengesekretariat gefuer gouf. Déi hunn fir all Member vum Gemengerot an de Kolléisch vum Buergermeeschter a Schäfferot ee perséinleche Courier vermëttelt kritt.

Ob elo och all „Courier“ ukomm ass, léist sech net kontrolléieren, mee streng geholl sollten all déi Interesséiert dësen erhalen hunn. Firwat elo net all dës Leit sech déi noutwenneg Zäit geholl hunn fir dem Sondage Rechnung ze droen? Dat ka vill Ursachen hunn an eng dovunner léist sech och an der Analys erëmfannen. Esou geet däitlech aus dëser ervir, dass et ee kommunikative Problem mat de Gemengevertrieder gëtt.

Den Informatiounsfloss muss besser ginn

Aus dësem Sondage, deen sech a gewësser Weis duerch d'Reform vum Gemengegesetz erginn huet, wëll de Syvicol sech déi richteg Informatiounen eraushuelen, déi et him erméiglecht déi bestoend Phas vun der Reflexioun an Entwécklung op de richtige Wee ze bréngen. Et geet jo elo och drëms sech fir d'Zukunft opzestellen, firwat den Avis vun de Memberen och esou wichteg ass. Dëse läit elo vir an hei emol dat wichtegst:

- Déi gross Majoritéit fill sech net gutt informéiert. Meeschtens géif een d'Informatioun aus de Medien, der Newsletter oder eng Consultatioun vu Syvicol Avisen oder Stellungnamen enthuelen;
- de Kolléisch vum Buergermeeschter a Schäfferot ass net besser um lafende wéi d'Gemengeconseillèren;
- déi Informatiounen déi ukomme wieren allgemeng kloer a verständlech, leider ginn dës net wierklech gutt bannent der Gemeng weidergeleet. D'Informatiounen, wann se dann ukomm sinn, géifen awer d'Aarbecht erliichteren;
- d'Majoritéit vun de Sondéierte bestätegt dann awer, dass de Syvicol eng kommunikativ an transparent Organisatioun ass. Ee méi direkte Kontakt wier awer scho begrëssenswäert;
- méi Formatiounen betreffend déi nei Gesetzer a froen zur politescher Aktualitéit an de Gemengen ass grad esou erwënscht, wéi Formatiounen déi sech spezifesch kommunalen Themen unhuelen. Och eng Verdéiwung vun der genereller Matière ass gefuerdert;
- groussen Interessi gëtt et un enger elektronischer Plattform, wou sech iwwert déi gutt Praktike kann ausgetosch ginn;
- thematesch Echanging tëscht de Gemenge méttels Ateliers/Seminäre sollte méiglech sinn, an och den Austausch mat aneren europäesche Gemenge sollt facilitéiert ginn;
- déi wichtegst Missioun vum Syvicol ass d'Verdeedegung vun den Interesse vun de Stied a Gemengen, gefollegt vun der Formatioun an der Informatioun;
- de Syvicol misst – esou wéi dass fir d'Berufsverbänn och de Fall ass – bei Gesetzer déi d'Gemengepolitik an d'Geschéie beaflossen, ëmmer consultéiert ginn an dozou en offiziellen Avis kënnen ofginn;
- gewünscht gëtt och eng besser Concertatioun tëscht de Stied an de Gemengen, fir déi vill Erausforderungen ze thematiséieren;
- de Syvicol sollt zukünfteg méi Aktiounen vun de Gemenge koordinéieren, esou wéi dass jo ganz erfollegräich am Etat de Kris gelongen ass;
- gefuerdert gouf dann och eng méi regelméissig Consultatioun vun de Memberen, wéi och e verstärkte Bäistand fir d'Gemengen a méi Formatiounen;

Wou de Schong am meeschten dréckt

Net verwonnerlech: et ass ganz kloer d'Logementskris déi bei sondéierten als ee vun de wichtigste Sujeten erkannt gëtt, deem sech och de Syvicol unzehuelen hätt (75%). Net wierklech manner wichtig: d'Mobilitéit (60%) an déi administrativ Vereinfachung (54%). De kommunalen Amenagement an d'Ëmwelt (42%) an déi kommunal Finanzen (37%) schléissen den „top five“.

Et feelt also offensichtlech net un Aarbecht, Fuerderungen an Erausfuerderungen. An déi fir den Ament sécherlech éischt Missioun ass et déi verpflichtend Consultatioun bei Gesetzprojeten an/oder groussherzogleche Reglementer bei der Regierung duerchgesat ze kréien. Et kann een dat och esou verstoen, datt d'Regierung de Syvicol gläich engem Beruffsverband sollt vum Staat betruecht ginn.

Zudeem kann een der Analys enthuelen, datt sech de Syvicol – deem eréischt rezent zwee weider Mataarbechter zougestane kritt huet – och personell muss besser opstellen. Wann et méi Formatioun brauch, Ateliers/Seminären organiséiert solle ginn an et dann och nach de Gewielte muss méiglech sinn e bessere Kontakt ze hunn, muss et och Leit hunn, déi sech deem kënnen unhuelen.

Mam Ëmsetzen ass alles net esou einfach

Elo sollt een unhuelen, gemooss un de villen „Deputé-Maire“ déi an der Chamber siegéieren, datt zumindest d'Fuerderung no der verpflichtend Consultatioun ee Klacks sollt sinn. Si sëtze jo och als Deputéiert an de ville Kommissiounen vun der Chamber, wou si och eppes Drock maache kéinten. Zudeem ass gewosst, datt et schon eng Rei Ministère gëtt, déi ee gudden Kontakt ze fleege wëssen.



Den Diddelenger Deputé-Maire Dan Biancalana (LSAP) ass dovunner iwwerzeegt, datt de Syvicol déi selwecht Kompetenze wéi d'Berufskommere muss kréien. Ob hie sech elo bannent der LSAP-Fraktioun dofir wäert asetzen a méiglecherweis ee Virstouss an der Chamber wot, dat war gëschter net an Erfarung ze bréngen. © Martine de Lagardère / moien.lu

Hei dierf een dann awer net vergiessen, datt et an der Chamber „Fraktiounen“ gëtt, an een och als Deputé-Maire déi „eegen Interessen“ eppes muss hannen ustellen. E Fakt deem natierlech nees op de Cumul vun de Mandater weist, dee jo vu ville verdäiwelt gëtt. Op zu Recht oder Onrecht sief dohi gestallt, firwat et jo esou grondsätzlech wichtig ass, de Syvicol wéi ee Beruffsverband ze gesinn.

Zudeem muss dem Bierger och emol verständlech gemaach ginn, datt am Géigesaz zu deem wat sech an der Chamber ofspillt, déi allermeeschten Decisiounen bannent der Exekutiv vum Syvicol eestëmmeg geholl ginn. Dat zumindest huet déi Stater Buergermeeschtesch Lydie Polfer expressis verbis betount. Et geet hei jo och manner ëm Politik, wéi déi gutt Gestiou vum de Gemengen.

Foto: **Fir de Syvicol-President Emile Eicher (CSV) war de Sondage eng ganz wichtig Aktioun, déi et soll erméiglechen d'Zukunft an Ugrëff ze huelen. Eng vun de Prioritéiten ass eendeiteg eng verbessert Informatioun fir déi Gewielten, firwat et zäitno sollt zu enger Onlineplattform sollt kommen. Mee et mussen elo och all déi Leit derzou beweegt sinn, sech ze enregistréieren, esou datt een se och erreche kann.** © Martine de Lagardère / moien.lu